

Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuißimiè explicantur

Gavanti, Bartolommeo

Antverpiæ, 1634

De Rubricis præceptiuis, & directiuis. XI.

urn:nbn:de:hbz:466:1-40262

216 Comment. in Rubr. Missalis. Pars III. Tit. X.

*Ant. Molina in Instruc. Sacerdotum
Tract. 3. cap. 11. §. vlt.*

17 At si inchoata Missa veniat Episcopus, aut eo maior, aut Princeps, neque alia Missa celebrari possit, quid agendum? ante Consecrationem, & post Epiſtolam, si illi veniant, poterit repeti Missa à capite, *Nauar. de Orat.*

*Notab. 16. num. 55. & Azor. lib. 10.
cap. 32. quest. 3. Addit Posse. de Offic.
Cur. cap. 2. num. 11. posse hoc idem
fieri, etiam ultra primam vicem, si ma-
ior causa superueniat; sed, meo iudi-
cio, tunc esset opus altiori iudicio.*

18 Quæritur adhuc: An possit in-
terrumpi, & discontinuari Missa ob
aliquam causam? respondetur, Posse,
ob Concionem & publicationes Edi-
torum, quæ sunt à Parochis: præterea
ad confessionem audiēdam moribun-
di, custodita, si opus est, interim ab
alio Eucharistia; vel ad vngendum
infirmum, cui nullum aliud Sacra-
mentum ministrari potest, ex *Nauar.*
de Hor. Canon. cap. 16. num. 69. Hen-

*riq. lib. 9. cap. 30. num. 4. Non autem
interrumpi debet paulò ante laicorum
Communionem, vt Sacerdos audiat
apud Altare etiam breuem confes-
sionem alicuius; quod perturbat, & me-
ritò, astantium animos, *Doctores apud
Bonac. disp. 4. quest. 6. punct. 1.
num. 20.**

19 Accidit denique in Missæ mi-
nisterio offerri Sacerdoti particulam
pro communicando laico, & oblatio-
ne Hostiæ iam facta, poteritne illa
consecrari? *Bonac. de Euchar. disp. 4.
quest. vlt. punct. 2. num. 6. videtur
negare. sed puto probabiliter posse
consecrari, oblatione eiusdem mente
concepta, vt sæpius in defectibus di-
ctum est: non tamen remotius ab obla-
tione Hostiæ, puta iam excepta Pra-
fatione. Vel eo casu, si necessitas ad-
sit, arbitrio boni viri, dari laico po-
terit pars Hostiæ consecrare, qui
olim reseruabatur pro infirmis, &
paulò suprà diximus num. 3. presen-
tis tituli.*

De Rubricis præceptiuis, & directiuis. XI.

REliquum est, vt in ordine ad Missam examinemus duo. Alterum est circa Rubricas omnes, de quibus haec tenus, quæ cùm diuidantur communiter à Summis & Theologiis in præceptiuis & directiuis, nondum quis veluti digito demonstravit, quænam ex dictis sint præceptiua, quænam directiua: nam ille obligant sub mortali, hæc non item, nisi ex contemptu omittantur. Alterum est circa onera Missarum, quæ subire solent Sacerdotes; de quibus Theologi multa sparsim docuere, quæ hoc loco collecta breui compedium. Lectori spero fore vt valde profint. Nunc de primo,

Seclusa igitur obliuione, ignorantia
inculpabili, & inaduentitia, quæ col-
lam diminuunt, vt suprà monuimus:
omissa item ea recentioris Auctoris
distinctione, in præceptiuis sub mor-
tali, & præceptiuis sub veniali, distin-
tas à directiuis. Quæ distincio nulla
est; aut est quæstio de nomine, nam
præceptum importat propriè in sua
significatione materiam grauem, &
lethalem culpam.

1 DICO PRIMO. Quādo in Rubricis
habetur hæc vox *granissime*, seu, *grave-
ter peccat*, certissimum est, significans
peccatum mortale. Septies autem habe-
tur, cùm de defectibus Missæ agitur.

Si non in azymo conficiatur Sacra-
mentum in Ecclesia Latina, tit. 3. num. 3.

Si vinum cœperit acescere, vel cor-
rumpi, vel fuerit aliquantum acre, vel
multum de vuis tunc expressum; vel
sine aqua fiat Sacrificium, vel cum
aqua non naturali, tit. 4. num. 2.

Si in forma adderet aliquid Cele-
brans, quod significationem non mu-
taret, tit. 5. num. 1.

Si celebret suspensus, excommuni-
catus, degradatus, irregularis, vel ca-
nonicè impeditus, tit. 8. num. 1.

Si celebret in peccato mortali ha-
bens copiam Confessoris, ibid. num. 2.

Si non habens copiam Confessoris
sine contritione in peccato mortali ce-
lebret, ibid. num. 3.

Si integra Sacraenta extra quos-
dā casis non sumpferit, tit. 10. num. 4.

2 Dico SECUNDО. Quando mate-
ria Rubricæ pertinet ad integratatem
Sacramenti, seu Sacrificij, ea ita graui
censenda est, vt omissione sit peccatum
mortale: eiusmodi sunt, quæ de pane,
vino, aqua, intentione, forma, sumptio-
ne utriusque speciei sunt præscripta.
quæ omnia sub mortali sunt iuxta Ru-
bricas obseruanda.

In forma quoque illud *enim* addi-
tum ab Ecclesia, non potest sine pecca-
to mortali voluntatiè omitti.

3 Dico TERTIO. Eas Rubricas esse
præceptiua, in quibus concordant
Doctores, eas esse de re graui, & sub
mortali obseruandas esse: videlicet,
De loco celebrandi non prohibito, de
ara consecrata, de lumine, de hora ce-
lebrandi, de dispositione animæ & cor-
poris, iejunio scilicet à peccato mortali,
& à cibo, de ministro, de Missali li-
bro, de Calice, Patena, Corporali, &
Palla, de Canone integrè & secretè re-
citantio, Ne prima purificatione cum

vino, de numero, munditia, integri-
tate, & benedictione vestium Sacer-
dotalium; eo modo quo probauimus
suprà suis locis.

4 Dico QVARTO. Rubricas aliquas
esse stricioris iuris in Missis Conuen-
tualibus, seu principalibus Ecclesia-
rum Cathedralium, & Collegiate-
rum; quod *cum Suar. & alijs* docet
*Bonacim. disp. 4 de Enchar. quest. ulti-
ma, punct. 7. §. 3. num. 3.* quia æquipa-
rantur hæ Missæ Horis Canonici quæ
dicuntur in Choro. imò vero sunt
Horarum quasi finis, ad quem diri-
guntur Horæ, vt egregiè probat *Fran-
col. de Temp. Horarum Canonici. par. 1.
cap. 16. num. 18.* eiusmodi est Rubrica
de cōcordia Missæ Conuentualis cum
Officio; quæ expreſsè præcipitur in
cap. *Cum creatura. de Celebrat. Miss.*
per verbum *mandamus* Honorij III.
Docent enim *Doctores à Bonac. citati
de Leg. disp. 1. quest. 1. punct. 7. §. 4.
num. 7.* quod verbum *mandamus* im-
portat obligationem ad mortale. Inter
Collegiatas autem adhuc esse dispa-
ritatem dico: nam Collegiatæ Regula-
res (quæ tamen minus propriè Colle-
giatæ dicuntur, vt paulò infrà proba-
bo) tenentur ad Horas Canonicas &
Missam in Choro, ex vi Regulæ tan-
tum & consuetudinis interpretantis
Regulam; sicuti etiam ad Officium
diuinum extra Chorum consuetudo
tantum obligat Regulares vt sic, ex
Caiet. verbo Horæ. at sacerdotes Cano-
nici tenentur ex stipendio ad leges
Pontificias in Choro seruandas.

5 Dico QVINTO. Propè præcepti-
uas eas esse Rubricas, de quibus dispu-
tant Doctores; & tamen Pius V. &
Clem. VIII. inclinant expreſsè in alte-
ram partem, præcipiendo in Bulla, vt
iuxta formam in nouo Missali tradi-

E e tam

tam celebretur Missa: eiusmodi sunt, de Matutino & Laudibus ante Missam, de mappis tribus, de luminaribus cereis; quæ licet sunt controuersia inter Doctores, ij tamen Pontifices Summi prædicta potius in suis Rubricis approbauerunt tamquam tutiora.

6 DICO SEXTO. Dubias esse reliquias de principio aurore, & fine meridie, de Cruce in Altari, de pedibus calceandis, de veste talari, de pileoli vsu, à quo concedatur extra Canone; de Orationibus ad vestes, & post Missam; de Missa priuata ad arbitrium sine causa; de Missa non approbata, nisi pro quibusdam Ecclesijs; de Votua, vel de Requiem, in Festo Duplici, & diebus prohibitis; de Orationibus additis secretò dicendis, ex devotione Celebrantibus: in quibus omnibus Doctoribus virimque disputantibus, Rubricis tamen magis adhærendum esse censeo.

7 DICO SEPTIMO. Inter has dubias Rubricas illa est apud me valde certa, quod sit de re grauissima, quæ habetur par. I. tit. 3. num. 1. nimirum, In Feris Quadragesime, Quatuor Temporum, Rogationum, & Vigiliarum, etiam si Duplex, vel Semiduplex Festum, vel Octaua occurrat, in Ecclesijs Cathedralibus & Collegiatis cantantur duo Missæ, una de Festo post Tertiam, alia de Feria post Nonam. Cantari ergo debent, ubi nimirum cantari quotidie Missa consuevit à Canoniceis; cum quia præcipit Pius V. in virtute sanctæ obedientiæ in Bulla, ut decantetur Missa iuxta normam, ritum & modum à se præscriptum, hoc est, quandoque duæ; tum quia altera eorum sine commemoratione alterius dici debet, ex tit. 7. num. 2. & hoc modo, altera non respondet integrè Officio di-

uino, in quo fit de Festo & Feria simul (Missæ enim Conuentualis debet respondere integrè Horis Canonicis) tum quia est ritus Ecclesiæ perambuimus, teste Microl. cap. 48. & 58. vi diximus pag. 5. tum quia circumstantia illa temporis (post Tertiam altera, altera post Nonam) indicat esse notabilem ritum; tum quia Clemētis VIII. auctoritate Missale recognitum, suis locis octies ad minus monet Lectorem hac de re, vt oblinioni non tradatur; scilicet, ante Missam de Vigilia Ascensionis, in Festo S. Marci, in Vigilia Apostolorum Petri & Pauli, in Vigilia S. Laurentij, in Festo SS. Cornelij, &c. SS. Iauuatij, &c. in Vigilia S. Matthæi, & in Commemoracione omnium fidelium Defunctorum: tum quia S. Carolus cum suis Provincialibus Episcopis in Concil. IV. Provinciali Roma approbato in hæc verba decreuit: Quibus diebus ex Missalibus Romani Rubricarum præscripto in Ecclesijs Cathedralibus & Collegiatis duo Missas Conuentuales celebrari oportet, et amba canantur: quod si Capitulum præstare omiserit, neglexeritve, non solum illius diei, in quo huic munere defuerit, verum etiam alterius dies distributionibus multetur. Hæc ibi.

8 Dices, Sufficere (quod recentior scripsit, consuetudini nimium fauens, quæ potius est abusus) fieri satis, si altera dicatur priuatum, puta, quæ est de Feria, & Choro absente. Adduc alij, eo quia titulo 7. num. 2. habentur verba, dicuntur duæ: ergo satis est, si dicatur altera priuatum; sed verbum dicuntur explicandum est, cantantur, ne pugnent inuicem duæ Rubrice altera enim alteram explicat, & posterior à priore pender. Deinde non est maior ratio, ex vi verbi dicuntur, & altera

altera sit priuata, altera solemnis. Item, quæ dicitur Choro absente non potest respondere Horis Canonici, neque dici potest Conuentualis. Preterea illa Horæ definitio, Tertiæ & Nonnæ, indicat, debere utramque celebrari, prout Hora Tertia & Nona dicuntur in Choro, hoc est, cum cantu, & Choro præsente. Atque hæc est Romana praxis in Patriarchalibus Romæ Ecclesijs adeoq;e in ijs existimatae fuerunt hæc duæ Missæ grauissimæ, vt *Franciscus Samarinus, Beneficiarius Ecclesie Lateranensis, & Doctor, in suo Thesauro Sacerdotali terria par. titulo, Missæ plures, &c. concedat*, posse has duas Missas ab eodem celebrari, si forte vnu tantum Sacerdos eo die in Ecclesia Collegiata celebrare queat. quod deinde sublatum est in *Rubricis par. 1. titulo 7. num. 2. quando scilicet plures quotidie non celebrant Sacerdotes*. Denique die 2. Nouembris ait Rubrica: *Missæ dicitur principalis pro Defunctis post Nonam explicanti omnes, cantari debet Choro præsente*. eademque est ratio de alijs Missis. Aliqui ex præfato verbo dicuntur inferunt, quod vbi plures Sacerdotes celebrant, debent dici duæ Missæ prædictæ priuatum. Laudo vsum, sed nego esse Rubricæ hunc sensum; quod patet in magis infra.

9 Dices adhuc: Verba cantantur & dicuntur non sunt imperatiua. Respondeo, In *titulo 5. de Missis Defunctorum num. 1. habes, dicantur duas Missæ, & titulo 15. numero 2. Missa de Tempore, quamvis dies sint sollemnes, in quibus sit Officium cum Missa de Feste, debet cantari post Nonam*. Item in Rubricis enuntiatuum verbum dabit vim imperatiui; verbi

gratia, in die 2. Nouembris in Breviario: *Dicuntur Vespere Defunctorum. post Laudes incipit Matutinum Defunctorum*. Ecce verba enuntiativa tantum; & Doctores tamen ex his verbis volunt, teneri nos sub mortali ad recitandas Vespertas & Matutinum Defunctorum, vt *Suar. expresse docet lib. 4. de Hor. Canon. cap. 25. num. 8*. Item in cap. *Cum creature, citato supra, & explicatio num. 5. mandat Honorius, cantari Missam respondentem Horis Canonici, sub mortali; non autem responderet, si altera non cantaretur, vt dictum est num. 8. & Pius V. vt integrè respondeat Horis Canonici, duas prescribit; ergo tenentur Collegiata ad duas. Valet enim hic Regula illa: *Paria sunt, non facere, & facere male, contra Rubricas, cap. Inter corporalia, de Translat. Episcop. cap. Vemens, de Presbyt. non bapt.**

10 Cui nostra sententia subscripsere aliquando, cùm in dubium à nonnullis reuocaretur, doctissimi viri, & notissimi, *Paulus Fraxinellus, Ordinis Eremitarum sancti Augustini, Petrus Thomas Saracenus, Ordinis Carmelitarum, Ioan. Petrus Moneta, & Homobonus de Bonis, Theologi Ordinis nostri, & primary, qui omnes praelata multa prelo dederunt*.

11 Sacra Rituum Romana Congregatio die 16. Maij 1626. decreuit, non posse omitti altera ex his duabus Missis cantandis, ob celebrationem Capituli Canonorum; & iterum hoc idem die 16. Ianuarij 1627. asseriuit, ne duæ Missæ, etiam ex necessaria negotiorum causa, & Capitulari, omittantur.

12 Dices: An Regulares comprehendantur in hac Rubrica. Negat *Rodericus de Quast. Regular. Tomo 1. quast. 43. artic. 12. quia, inquit, non*

E e 2 veniunt

veniunt Regulares nomine Ecclesiarum Collegiarum in odiosis; quæ ratio mihi non placet: sed quia Ecclesiarum Regularium appellantur propriè Conuentuales ab Innocen. IV. in Bulla eiusdem 7. Bullarij. vbi Flanius Cherubinus in Compendio Bullar. scholio 1. norat eo titulo appellari, ad differentiam Collegiarum, quæ sunt propriè Canonorum. Item in Clem. 1. de Celebrat. Miss. ex Concil. Vienensis. distinguuntur Ecclesiarum Regulares à Cathedralibus, & Collegiatis; quibus postremis dumtaxat imponitur onus de duabus his Missis. adde ratione allata supra n. 4.

13 DICO ULTIMO. Reliquas Rubricas esse directivas tantum, non tamen esse negligendas: saperet enim cōtempnum, si quæ earum perpetuo omitteretur, aut saepius, & ut plurimum. & multò minus, si timeatur scandalum. Contemptum verò, & ceu scandalum iudicabis, grauia, vel levia, ex materia & intentione Sacerdotis. Vnde, quod alii dicunt, quatuor cum litteris celebrandam esse Missam, A. B. C. D. his addo ego litteram quintam E. in honorem quinque Vulnerum Christi. Hoc est Altè, Breuiter, Clarè, Deuotè, Exactè, seu Exquisitè.

Altè, vt audiatur. Breuiter, non ultra

medium horam, ait Scottia lib. 2. c. 19. vel paulò ultrà. Clarè, vt omnia verba integrè proferantur. Deuotè, vt attendatur ad ea quæ dicuntur. Exactè, vt fiant omnia quæ præscribuntur in Rubricis.

14 Ut autem Rubricarum obligatio magis innoteat, præterquam quod in Bulla Pij V. pro Missali edita omnis mutatio, additio, & detractio prohibetur, decreuit Concilium Tridentinum Sessione 7. canone 13. in hac verba: Si quis dixerit, receptos, & approbatos Ecclesiarum Catholicarum ritus, in solemnni Sacramentorum administracione adhiberi consuetos, aut contenni, aut sine peccato a ministris pro libito omitti, aut in nouos alias per quemcumque Ecclesiarum Prælatum matri posse, anathema sit. Hæc ibi. Solemnis certè Sacramenti Eucharistie administratio in Missa fit, siue fit solemnis, siue priuata; & ritus, qui habentur in Missali Romano, sunt Ecclesiarum Catholicarum recepti, & approbati, vt patet. Ex quibus non video, qua ratione doceant moderni Theologi, opinionem esse probabilem, quod sine peccato possint omitti Rubricæ, & sine causa, scienter, etiam in materia leui. sed de his satis.

De alijs obligationibus Sacerdotum circa Missam. XII.

1 **A**lterum erat circa onera Sacerdotum in ordinè ad Missam, quæ ad capita quinque reuocari possunt, vel ratione Loci, vel ratione Temporis, vel ratione Ritus, vel ratione Officii seu Beneficii, vel ratione Stipendiij: & hoc eodem ordine procedendum erit in hoc titulo.

2 Ratione Loci tenetur Sacerdos Sacrum facere in certo Altari, non impe-

ditus legitimè, si testator aut alias locum celebrandæ Missæ præscriperit, alias peccat mortaliter; quia nō implet voluntatē testatoris, quam neque heredes mutare possunt; non tamen teneatur ad restitucionem, si alibi pro celebret. Citat Doctores Bonacini, de Euchar. disput. 4. quest. vti. pun. 7. §. 4. num. 2. ad finem. & ratio patet, quia violat priuatam legem testatoris.

3 Potest